

**Uunga siunnersuut: Uumasut nappaataannik inunnut tunillaassorsinnaasunik taakkulu akuunik siaruaassinaasunik akiuiniarneq pillugu Inatsisartut inatsisaat nr. xx, xx 2015-imeersoq.**

### **Kapitali 1**

Inatsisip atortuuffia

**§ 1. Inatsimmit pineqarput:**

- 1) Uumasut nappaataat inunnut tunillaassorsinnaasut, taakkulu akuutissartaat siaruaassinaasut.
- 2) Uumasoqatigiit avataaninngaanniit takkuttut uumasut nappaataannik taakkulu akuunik siaruarterisinnaasut pillugit malittarisassaliorneq.
- 3) Akiuiniarnissamut pilersaarutit.
- 4) Akiuiniariaatsit.
- 5) Nakkutilliineq.

Imm. 2. Uumasut nappaataat inunnut tunillaassorsinnaasut tamarmik inatsimmi pineqarput, suliffeqarfinni inuussutissaleriffiusuni, pingarnertut tunisassiortuni, angerlarsimaffimmi uumasuutini, nunalerineremi uumasuutini piniagassaniluunniit paasineqarneri apeqqutaatinnagit.

Imm. 3. Uumasut eqqiluitsumik pineqarnissaannut tunngasut inatsimmi pineqanngillat.

### **Kapitali 2**

Nassuiaatit

**§ 2. Inatsimmi matumani makku imatut paasineqassapput:**

- 1) Uumasut nappaataat inunnut tunillaassorsinnaasut: Tassaapput nappaatit tunillannartullu uumasut inuillu akornanni toqqaannartumik toqqaannanngitsumilluunniit tunillaassinaasut. Uumasunik toqqaannartumik attaveqarneremi nerisassalluunniit aqqutigalugit tunillaassuttoqarsinnaavoq.
- 2) Uumasut nappaataasa akui siaruaassinaasut: Bakteriat, virusit, miluuffigisaminnit ilanngartuisut (parasit) uumasut inuillu akornanni tunillaassorsinnaasut suulluunniit.
- 3) Uumasut eqqiluitsumik pineqarnissaannut tunngasut: Uumasuutit nappaataannik, kiisalu nunalerineremi uumasuutini piniagassanilu nappaatinik pinaveersaartitsineq, nakkutiginninneq akiuiniarnerlu.
- 4) Uumasoqatigiit nunatsinniittuunngitsut avataaninngaanniit takkuttut: Uumasoqatigiit pissusissamisoortumik nunatsinneersuunngitsut, takkunnermikkut siaruaannermikkulluunniit uumasut assigiinngisitaarnerannik, inuit peqqissusiannik inuiaqatigiilluunniit aningaasarsiornerannik ulorianartorsiortitsisinnaasut.

### **Kapitali 3**

Oqartussat

**§ 3.** Uumasunut Nakorsaqarnermut Inuussutissalerinermullu Oqartussaasut piginnaatitaasutut oqartussaasutut inatsimmit aqutsisuupput, kiisalu inatsimmi pineqartunik misissuillutillu nakkutilliisupput.

Imm. 2. Naalakkersuisut piginnaatitaallutik oqartussaasunik allanik Uumasunut Nakorsaqarnermut Inuussutissalerinermullu Oqartussaanngitsunik toqqaasinnaapput.

Stk. 3. Uumasunut Nakorsaqarnermut Inuussutissalerinermullu Oqartussaqaarfiup akisussaaffigaat:

- 1) uumasut nappaataannik inunnut tunillaassorsinnaasunik taakkulu akuinik siaruaassinnaasunik akiuiniarnermut pilersaarusiornissaq,
- 2) paasissutissanik nuna tamakkerlugu akiuiniarnissamut pilersaarutinut atatillugu inernernik naliliinissamut pisariaqartinneqartunik katersinissaq,
- 3) suliffeqarfinni inuussutissaleriffiusuni nunatsinni niuerfimmi tuniniaanissamut akuerisaasuni akuttunngitsumik nakkutilliisarneq, inuussutissanik uumasullu nappaataannik inunnut tunillaassorsinnaasunik nakkutilliineq pillugu inatsisip malinnejcarnerata nakkutigineqarnissaa siunertaralugu, aamma
- 4) uumasut nappaataannik inunnut tunillaassorsinnaasunik taakkulu akuinik siaruaassinnaasunik akiuiniarneq siunertaralugu naasorissaanermiit uumasuuteqarnermillu akuttunngitsumik nakkutilliisarneq.

Imm. 4. Suliffeqarfiit inuussutissalerisut pingarnerusumillu tunisassiortut Uumasunut Nakorsaqarnermut Inuussutissalerinermullu Oqartussaqaarfiup qinnuigininneratigut suliemannik naammassinnittarnerannut pingaarutilinnik paasissutissanik tamanik § 3, imm. 3, 2-mi aalajangersarneqartunik tunniussisassapput).

## **Kapitali 4**

Uumasoqatigiit nunatsinniittuunngitsut, avataaninngaanniit takkuttut

**§ 4.** Uumasut nappaataat inunnut tunillaassorsinnaasut taakkulu akuisa siaruaassinnaasut siaruarnissaat pinngitsoortinniarlugu uumasoqatigiit nunatsinniittuunngitsut avataaninngaanneersut qaqugukkut qanorlu atugassaqartitsilluni nunatsinnut eqqussorneqarsinnaanerannut Naalakkersuisut erseqqinnerusunik malittarisassiorsinnaapput.

## **Kapitel 5**

Akiuiniarnissamut pilersaarutit

**§ 5.** Uumasut nappaataannik inunnut tunillaassorsinnaasunik nakkutilliinissaq, kiisalu tunillaassuuttoqalinnginnissaa siunertaralugu akiuussusersuinissap nakkutilliinissallu qularnaarneqarnissaa piginnaatitaalluni Uumasunut Nakorsaqarnermut Inuussutissalerinermullu Oqartussaasut aqqutigalugit Naalakkersuisut qularnaagassaraat.

**§6.** Akiuiniarnissamut pilersaarutit, taakkununnga ilanngullugit uumasut nappaataannik inunnut tunillaassorsinnaasunik nakkutiginninneq, nakkutilliineq, akiuussusersuineq

tunillaassortoqalinnginnissaalu siunertaralugu qanoq iliuusissat pillugit Naalakkersuisut ersarinnerusunik malittarisassiorsinnaapput.

**§ 7. § 6 naapertorlugu akiuniarnissamut pilersaarutit:**

- 1) uumasut nappaataat inunnut tunillaassorsinnaasut taakkulu akuutissartaat siaruassinaasut takutinneqarsinnaassapput, labororiami misissuinissamut, il.il., pilersaarusiornikkut
- 2) piginnaatitaalluni oqartussaasup suliffeqarfinnilu nerisassaleriffiusuni aqutsisut, naasorissaasut uumasuutillillu akornanni akisussaaffimmik agguataarineq aalajangersarneqassaaq, aamma
- 3) uumasut nappaataannik inunnut tunillaassorsinnaasunik taakkulu akuutissartaannik siaruassinaasunik paasisaqartoqartillugu akiuniarnissat sorliit aalajangiunneqarnersut allassimassaaq.

## **Kapitali 6**

### Akiuniariaatsit

**§ 8. Uumasunut Nakorsaqarnermut Inuussutissalerinertermullu Oqartussaasup**  
suliniuteqarneratigut nunami pineqartumi uumasunik nerisasanillu allanik, nioqquteqarnermi, kiisalu uumasuuteqarnermi pingarnertut tunisassiornermi uumasut nappaataasa inunnut tunillaassorsinnaasut taakkulu akuutissartaasa siaruassinaasut ikilisarneqarnissaannut akiuniariaatsit immikkut ittut atorneqarsinnaanissaat atorneqartussaanerilu aalajangiiffigisinnaavai

Imm. 2. Periutsit imm. 1-imi taaneqartut atorneqarnissaannut piumasaqaatit, taakkununnga ilanggullugit uppernarsaatit suleriaatsillu pisariaqartut pillugit malittarisassanik Naalakkersuisut akuersisinnaapput.

Imm. 3. Akiuniariaatsit immikkut ittut ilaasa akiuniarnissamut pilersaarutit ilaattut atorneqannginnissaat pillugu Naalakkersuisut aalajangiisinjaapput.

## **Kapitali 7**

### Nakkutilliineq

**§ 9. Uumasunut Nakorsaqarnermut Inuussutissalerinertermullu Oqartussaasut** piumasaqaatit inatsimmi aalajangersarneqarsimasut malinneqarnissaannut pisariaqartutut isigineqartunik aalajangiisassapput, taakkununnga ilanggullugu erseqqissaanernik, peqqussutinik inerteqqutinillu nalunaaruteqartassallutik.

Imm. 2. Uumasunut Nakorsaqarnermut Inuussutissalerinertermullu Oqartussaasut peqqussutinik inerteqqutinillu nalunaaruteqartoqartinnagu, susassaqartunik illuatungerisanik tusarniaaqqaartassapput.

Imm. 3. Peqqussut inerteqqulluunniit malinneqanngippat, Uumasunut Nakorsaqarnermut Inuussutissalerinertermullu Oqartussaasut nioqqutissanik peqqussuteqarfigineqarsimasunik imaluunniit inerteqqutigineqarsimasunik suujunnaarsitseqqusisinjaapput, aamma uumasut napparsimasut akiuussutissamik kapillugit toqtsillugilluunniit. Suujunnaartitsineq,

akiuussutissamik kapisineq toqtsinerlu suliffeqarfimmut aamma piginnittuanut akiligassanngorlugu pisassaaq.

**§ 10.** Uumasunut Nakorsaqarnermut Inuussutissalerinermullu Oqartussaasut uppernarsaammik atorsinnaasumik eqqartuussisumiillu aalajangiinertaqanngitsumik, inatsimmi matumani imaluunniit inatsit una malillugu malittarisassani aalajangersarneqarsimasunik suliassanik naammassinninnermi atorneqartussanik paasissutissanik pissarsiniarlutik pisortat illuutaannut namminerisamillu illuutinut, sumiiffinnut, assartuutinut, niuertarfiup allagaataanut, pappiaqqanut il.il. , tassunga ilanngullugit aamma atortussianut elektronikki atorlugu toqqorneqarsimasunut sukkulluunniit isersinnaapput.

## **Kapitali 8**

### Naammagittaalliorneq

Uumasunut Nakorsaqarnermut Inuussutissalerinermullu Oqartussaasunit aalajangiiffigineqartut Aalisarnermut, Piniarnermut Nunalerinermullu Naalakkersuisoqarfimmut naammagittaalliuutigineqarsinnaapput.

Imm. 2. Naammagittaalliorsinnaatitaapput:

- 1) aalajangiinermi pineqartoq, aamma
- 2) kinaluunniit suliassap inernerata qanoq kinguneqarneranik nammineerluni annertuumilluunniit soqtigisaqartoq.

Imm. 3. Naammagittaalliorissamut piffissaliussaq tassaavoq ulloq aalajangiinerup nalunaarutigineqarfianiit sapaatit akunneri arfinillit qaangiutsinnagit.

Imm. 4. Naammagittaalliuuteqarneq Naalakkersuisut allamik aalajangiisimatinnagit kinguartitsinermik kinguneqassanngilaq.

## **Kapitali 9**

### Pineqaatissiissutit

**§ 12.** Inatsimmi immikkut allamik tunngavissaqarluni pineqaatissiissut sakkortunerusoq atorneqartariaqartoq isumaqartoqanngippat, arsaarinninnermik akiliisitsissummilluunniit pineqaatissinneqarsinnaavoq:

- 1) § 9 malillugu aalajangiussanik malinninngitsoq, imaluunniit
- 2) § 10 malillugu nakkutilliinermi oqartussanik isertitsinngitsoq.

Imm. 2. Inatsisartut inatsisaat manna malillugu najoqqtassiani atulersinneqartuni najoqqtassani aalajangersakkanik unioqqtitsinermi akiliisitsinermik arsaarinnissuteqarnermilluunniit pineqaatissiinissaq pillugu malittarisassanik aalajangersaasoqarsinnaavoq.

Imm. 3. Inatsisitigut piginnaatitaasut pisussaatitaasullu Kalaallit Nunaanni pinerluttulerinermi inatsimmi maleruagassat malillugit pillaanermi akisussaatinneqarsinnaapput. Kalaallit Nunaanni Namminersornerullutik Oqartussat,

kommuni kommunilluunniit ataatsimooqatigiiffiat unioqqutitsisuuppat Kalaallit Nunaanni Namminersornerullutik Oqartussat, kommune kommunilluunniit ataatsimooqatigiiffiat akiliisitaanermik pineqaatissinneqarsinnaavoq.

**§ 13.** Inatsimmik unioqqutitsisoq unioqqutitsinermi pisuunini nassuerutigippagu, piffissallu aalajangersimasup iluani akileeqqusissut qinnuteqarnikkut sivitsorneqarsinnaasup akilernissaanik nalunaaruteqarpat, Naalakkersuisut nalunaaruteqarsinnaapput suliaq eqqartuussivikkoortinnagu aalajangiivigineqarsinnaasoq.

Imm. 2. Imm. 1-imi nalunaarut taaneqartoq eqqarsaatigalugu Kalaallit Nunaanni eqqartuussisarnermi inatsimmi allakkamut unnerluussutaasumut piumasaqaatit pillugit aamma oqaaseqarnissamut pisussaaffeqannginneq pillugu aalajangersakkat taamatuttaaq atuupput.

Imm. 3. Akiliisitsissut piffissaagallartillugu akilerneqarpat, imaluunniit akuerineqarnerata kingorna akilerneqarpat imaluunniit pillaatissaq atorneqarpat malersueqqinnissaq atorunnaassaaq.

**§ 14.** Akiliisitsissutit, Inatsisartut inatsisaat manna naapertorlugu imaluunniit Inatsisartut inatsisaat manna naapertorlugu najoqqtassat malillugit eqqartuussutigineqartut Nunatta Karsianut tutsinneqassapput.

## **Kapitali 10**

### Atortuulerfia

**§ 15.** Inatsisartut inatsisaat 1. januar 2016-imi atuutilerpoq.

Imm. 2. Tamatumunnga peqatigitillugu inuussutissanik uumasullu nappaataannik inunnut tunillaassorsinnaasunik nakkutilliineq pillugu Inatsisartut peqqussutaat nr. 17, 28. oktober 1993-imeersoq atorunnaarsinneqarpoq.

Imm. 3. Najoqqtassat inatsisartut peqqussutaanni pineqartuni imm. 2 malillugu atuutsinneqalersut atuutiinnassapput allanik taarserneqarnissamik tungaannut imaluunniit inatsit manna Inatsisartulluunniit inatsisaat allat malillugit maleruagassatut aalajangersakkat atorunnaarnissaasa tungaannut.

Namminersorlutik Oqartussat, ulloq xx. xx 201x

Kim Kielsen